

SWIFT

CORNED BEEF


gusta pa grandi y chikito den tur cas, pa su calidad y su bon smaak.

Wimco

ARUBAANSE COURANT



Diario pa Aruba



ARUBAANSE COURANT

diariamente cu excepcion di diadomingo

subscription f. 3.25 pa luna edicion los 20 ct.

edita pa: N.V. Arubaanse Drukkerij- en Uitgevers- en Publiciteits Mij.

imprimi na: N.V. Drukkerij „De Stad“ Theaterstraat 11, Willemstad Curacao

Telefoon 1116 Directiva y redaccion. 2116 Anuncio y subserlocion.

Directeur hoofdredacteur: D. Wolff.

25

DIASUEBS 21 DI NOVEMBER 1963

No. 4798

Teatro aire liber na Santa Cruz den construcccion

SANTA CRUZ, 21 nov. — Despues di hooi discusionan y deliberacion cu diferente instancianan di gobierno otro institucionnan, e asociacion recién estableci, esta Teatro Arubano... a logra cu diahuebs siman pasa e promer trabanon pa un teatro na aire liber na Santa Cruz...

rooi caminda e teatro lo worde traha y despues cuba un rooi nobo rond di e tereno aki, pa asina e rooi por sigui corre normalmente...

Plannan pa futuro

E „Asociacion Teatro Arubano“ bao di kende su gia e teatro na aire liber na Santa Cruz ta worde traha, na e momento ta buscando un number adecuado pa e teatro...

Esakinan tur ta planian pa futuro, esta si resulta cu e teatro na aire liber ta un exito. En todo caso, na e momento ta worde traha duro pa e teatro aki ta cla pa e promer presentacion na aki 2 siman y mei di e comedia Seri Noka.

ripiente a bira definitivo ora cu senior Piet Eelvelt a duna di conoce cu den e rooi lo ta e mihor lugar pa hunga un comedia na aire liber.

E construcccion

Despues cu e plan a cria forma definitivo el a worde poni ariba papel y e diferente discusion en cuestion cu tereno, construcccion y cubierto di e gastonan a cuminsa. Segun nos a worde informa for di banda di e trahadornan di e plan aki, nan tabatin hopi discusion y deliberacion promer cu nan por a logra hanja yudanza y aprobacion di nan plan...

For di banda di gobierno, un of mas persona a worde manda pa calcula local lo ta e gasto pa construcccion di tal teatro den e rooi, esaki lo tabata 6.000 florin, esta segun nos a worde informa for di bon fuente. E organizadornan cu no tabata mucho di acuerdo cu esaki y no por a comprende con e construcccion aki por costa asina hopi, a laga un persona experto ariba e tereno di tal construcccionnan calcula e gasto...

KERSTENS Y RUIZ JUBILARIONAN DI PLATA

ORANJESTAD, 21 nov. — Den e dianan venidero dos ambienta halto di e teritorio insular di Aruba lo tene nan jubileo. Awe senior J.A. Ruiz, hefe di comies na oficina di ontvanger lo tin su jubileo di plata...

B.C. DI ARUBA TA RICIBI MISION DI E.E.G. DIA 22 Y 23

Diarazon dia 20 di november a jega Corsow e Mision di E.E.G. consistiendo di seniores H. Overzee (lider di e mision), M. J. Bijkerk y N. G. Naveaux...

Bestuurcollege di Corsow lo comedia di idea cu e mision dia 21 di november esla awe, dia 22 y diasabra 30 di november. Bestuurcollege di Aruba ta hanja oportunidad pa ricibi e mision d'abieme dia 22 y diasabra dia 23 p.v.

Diadomingo dia 24 p.v. e Mision lo ta na Bonaire y delibera cu bestuurcollege di e isla y bishita e proyecionan. Diamers dia 26 p.v. e Mision ta sali pa St. Maarten. En relacion cu e concecionnan aerea cu islanan ariba e mision lo regresá te dia 29 p.v. na Corsow...

Gobierno Central a establece un comision pa delibera cu e mision di E.E.G. E comision aki ta consisti di e Administrateur van Financien, Director di Sociale en Economische Zaken, Hefe di Centraal Bureau voor Welvaartszorg y Hefe di Servicio di informacion di gobierno. (RVD)

HAVE A REAL CIGARETTE

HAVE A

CAMEL



ARUBA'S FAVOURITE CIGARETTE

ELIGIMTO DIRECTIVA NOBO Y'S MEN

SAN NICOLAS, 21 nov. — Cuminsamento di December, ariba e promer Diamers di e luna, e miembronan di Y's Men Club na San Nicolas lo tin un reunion na Astoria Hotel...



Arubanonan ta custumbra cu esaki: e streynan di laman cu ta worde usa den Trocadero Restaurant como lampi. E biologo Hulandes dr. Wagenaar Hummelinck sinembargo a keda masha sorpresa: el a jega di mira diferente streya di laman na diferente lugar na mundu...

Irregularidadnan na Caracas ta causa diesnuebe morto

CARACAS, 21 nov. — Den e capital Venezolano, Caracas 150 persona a worde arresta ayera despues di irregularidadnan na cual 19 persona, entre kendenan dos polis, a muri y 75 a worde herida.

Polis y militarnan a actua antayera nochi contra un organizacion Castrista ilegal di liberacion, na cual tabatin un tiroto, cu a sigi te mei anochi. E organizacion ilegal kier obliga un welga general na e obreronan. E minister di interior, Manuel Manilla, a bisa den un discurso cortico na radio...

Diferente insulto a worde comete den e pais. E deponicion di e firma Noord Americano „Dupont“ a worde nega na candela y completamente destrui. E danjo ta worde calcula na 3500 dollar. Cuater persona, cu kier a pega un super market na candela a worde arresta. Un explosion di bom cu tabatin den un autobus na Barquisimeto den estado Lara a laga dos persona herida. Na Puerto Cabello terroristanan a destrui e listanan di e votadornan.

HOPÍ VICTIMA NA INUNDACIONAN NA HAITI

PORT AU PRINCE, 21 nov. — Inundacionnan cu tabatin consecuencia di yobidanan fuerte na Noord di Haiti a causa bida di 200 persona. Den diferente ciudad e awa a causa un danjo considerable.

SHOW MUSICAL PA KLEUTERSCHOOL


SANTA CRUZ, 21 nov. — Mientras cu e edificio di e kleuterschool na Santa Cruz ta bai halto, e diferente comisionnan encarga cu colectamento di fondo pa e construcccion di e school ta trahando duro pa logra cubri e gastonan involvi.

Algun dia pasa un otro rifa na beneficio di e school a worde hunga, y awor lo tuma lugar mian anochi den Club Estrella na Santa Cruz, un tremendo show musical cu lo cuminsa pa 8'or. Lo tin un actuacion special di e declamador Curazoleno Ellis Juliana kende lo brinda e publico algun di su numeronan di poesia di ultimo tempo. Como atraccion special e comision cu ta organisa e show na beneficio di e kleuterschool, a pone un premio desponibel como „door-prize“ loke ta nada menos cu un biaha ida y vuelta gratis pa Corsow.

Geen ander merk kan U zulk een aanbieding maken!! Waar vindt U een gelijkwaardig gasfornuis van een even onovertroffen merk als

Kelvinator voor slechts

f. 180,—?



f. 180,—

- Ruime oven van 40 cm. 4 branders Verstelbare rekken in oven



f. 260,—

- thermostaat broiler glas in ovenraam ovenverlichting

Palais Royal Aruba N.V.

CASI UN MILLON FOR DI SPAARFONDS DI LAGO

SEROE COLORADO, 21 nov. — Si tur empleado di Lago lo haci uso di e oportunidad pa saca e suma maximo for di e Spaarfonds di Lago, anto lo tin fl. 887.000 extra ta circula na luna di december na Aruba. Manera custumber compania a sorpresa e empleadonan cu ta spaar nan plaen den e spaarfonds di Lago, na ocasion di Pascu atrobe un contribucion extra riba nan cuenta di spaar. Tambe na ocasion di Pascu un parti di e suma di spaar por worde tuma na december.

Ademas un bono sero Lago a informa nos cu na e momento aki no tin kestion di un entrega di extra sueldo di un solo bilafu manera a tuma lugar e milnan dos anjanan net prome cu Pascu. E pagamentonan di 1961 y 1962 a tuma lugar a base di e acuerdo colectivo di trabao ena a worde sera na december pa tempo di cos anja en e milan L.O.W.U.A. E contract actual ta explira dia 3 di december y a base di e situacion actual un coreccion di sueldo no ta probable. Si esaki lo ta pushel p.e. si prome cu Pascuiega na un acuerdo tocante un A.C.T. nobo actual na ta muy probable, of si e milon pronto lo jega na un acuerdo cu Lago pa automaticamente prolonga e contract actual pa un anja.

COMPETITIE A.V.B.

Awenochi pa 7.30 den WILHELMINA STADION

UNIVERSAL vs. DEPORTIVO

(A-Klasse)

Entrada general f. 0.50

Mucha militar prijs

REVISTA MUSICAL KLEUTERSCHOOL STA. CRUZ


Show musical na beneficio di e Kleuterschool nobo na Sta. Cruz. Lo duna nan actuacion: Paou del Caribe; The Hapcups, Los Elegantes; Marlacht Aruba, Ety Toppenberg y su Trio Huasteca, Los Bohemios, The Teen Toppers, Conjunto Folklor. Arubano, Trio Quisquilla, Los Vireyes, Tati Lopez, Los Llaneros.

Pa prome biaha actuacion di e poeta Curazoleno ELLIS JULIANA den pueblo di Sta. Cruz.

E show aki lo tuma lugar Diabiernes awor, 22 di nov. pa 7.30 p.m. den CLUB ESTRELLA.

Dootprize: 1 pasashi ida y vuelta pa Curacao, ofreci pa Aldo Travel Bureau.

Entrada general Fl. 1.50.



R. C. A. A PROPINA ARUBA JRS SU DI SEXTA DERROTA

(Di nos redactor Deportivo)

E tricolornan di Solito, lucienda colornan verde y preto diamars anochi a continua cu nan racha di triunfo ora cu nan a derrota e habin encena di Aruba Jrs. cu anotacion di tres gol pa cero. E triunfo aki ta esun di seis pa R.C.A. despues cu nan o habri e campeonato perdiendo contra di Dakota. Nan a completa awar nan parti di e promer round i a hunga nan ultima tres weganan sin permiti ni un solo anotacion en contra, mientras cu nan delanteronan a percura pa total di 11 gol den e ultimo tres weganan. Juv. Millonarios y Estrella a hanja cada una 4-0 y awor Aruba Jrs. a hanja 3-0.

Ni un minutu a transcuri despues cu referi Elio Tremp a duna señal pa comenza e partido ora cu RCA ta seriamente den atake cuba. Rosendo...

di RCA. E pase di Burleson pa midvoor Juan Kemp ta bon y esaki ta shot den skina. Cu heni esfuerza keeper Feki Caster ta logra desvia e bala cu ta yega net den pia di Burleson atrobe. Completamente desvia e shot di Burleson ta awor y cu esaki e delanteronan di Aruba Jrs a demostara cu nan tambe por realiza atakanan peligrosos.

RCA ta hiba e bala cu heni frecuencia riba e mitar di tereno di nan e'erna rivalnan. Un pase bultu na Gonzalez ta pasa over di keeper Lihheria cu en vano a sali na intercepcion, pero haek Freddy Brown ta logra manda e shot di Gonzalez corner.

Atakeb'anea Eddy Becker di Aruba Jrs ta hanja un chens den di 18 minutu ora cu Luty Burleson ta avanza riba aladreci, haci un pase pa Juan Kemp, kende na su turno ta manda e bala pa Becker. Feki no ta logra domina e bala nor completa y ta tarda net basta na Cai Helder di RCA yega su dilanti y domina e situacion habundo cu shot duro. E bala ta yega serca linkshul'en Melvin Capella y sin merde tempo esaki ta shot, pero...

Despues di e atakenan, mientras cu goal shooting di e delanteronan atrobe mes tambe ta necura pa termina cu heni atakenan.

Algun shot boro di Foyita Alberts, su ruman Yonko y tambe di Cai Helder ta bai directamente den man di e portero Liberia.

Yonka Alberts to hobri e score.

Tabata visto cu e defensa di Aruba Jrs lo no por a sigui soporta mucho mas di e presion cu RCA tabata eherciend' sin eade un gol. Pero despues di a logra mantene nan gol limpi duran e e promer cuarenta minutu di wega, den un forma inepora RCA ta marca su promer tanto. Juebi Jansen a cobra un di e hopi cor-

nernan cu RCA a hanja den di 41 minutu y e bala ta yega cu un boog dilanti di gol. Hall Victor Albus tabata basta sereno di e bala, pero no a desvia e bala asina e chens pa Yonko Alberts kop aden sin hanja ningun clase di oposicion. Sorprendi pa e hugada aki, keeper Lihheria no por a haci nada otro cu bai saka e bala di den net.

E proximo atake di RCA ta resulta den un penalty cometi door di defenza Fernandez. Yonko Alberts a coloca su mes tras di e cuero, pero ta falla por completo tirando demasiao halto.

Segundo mitad: Dos mos pa R.C.A.

E ventaha di e onena di RCA ta word'e aumenta den di 5 minutu despues cu e partido a word'e reanuda. Defensa di Aruba Jrs ta tarda pa desbolbe un voerzet y Juebi Jansen ta provecha e chens pa tuma e bala y shot den poniedjo e scoreboard den movetion pa di dos baha e anochi.

E tercer y ultimo gol di wega tambe ta pa RCA y ta Yonko Alberts ta percura p'e. Cu un shot largo y lasta el a laga keeper Lihheria sin chens.

Luego a sigui shot duro di hopi serca di Jansen cu a sali na banda.

Keeper Feki Caster no ta hanja mucho actividad den e segundo tempo, pero toa tabatin algun momento di dificultad p'e.

Un tabata ora cu midvoor Juan Kemp ta pone un shot den skina tris ricbi' nase di Luty Burleson. Den bunita forma Feki Caster ta tira uital y ta logra noma e bala manda corner. E corner no tabatin problema algun pa e defensa di RCA.

Ni e otro banda Juan Sanchez ta pone un fuerte shot cu a kama dimas. Uno di Foyita Alberts ta hui directamente den man di e portero.

RCA ta conserva domina hopi, pero sin logra anota mas gol.

E ultimo atake significante di e partido tabata di Aruba Jrs den di 38 minutu. Defensa Francisco Fernandez a combata cu Burleson y ta den linea del'ntera awor E ta ricbi' un bon coloca throughness cu ta sorprende e defensa di RCA Fernandez.

Cifronan actual di Hoofdklasse

CLUB	WH	WG	WE	WP	GF	GC	PTS
R. C. A.	7	6	0	1	23	8	12
Dakota	6	3	3	0	12	5	9
Estrella	7	4	1	2	18	12	9
Juventud Millonarios	7	3	1	3	12	12	7
San Nicolas Jrs	6	2	2	2	14	13	6
Jong Aruba	6	2	0	4	7	13	4
Tactical	7	2	1	4	17	23	5
Aruba Jrs	6	0	0	6	7	18	0

DE VEER THEATER TA PRESENTA „THE CASTILLAN”

ORANJESTAD, 21 nov. — Durante e week-end yenidero De Veer Theater lo presenta e pellicula di Warner Bros. Pictures, Inc. cu ta titula „The Castilian”.

E pellicula ta hunga na e tempo di mas o menos 350 anja promer cu e tempo cu e Cristianan di Europa a cuminsa cu nan blahanan pa Palestina pa libera e lugar aki for di e Mohamedanan. E pellicula ta hunga na Spanja den e provincia di Castilla, un ei e provincianan di mas fuerte den e tempunan ey. Durante e tempo ey e Conde hoben di Lara, Fernan Gonzalez ta cuminsa cu un batalla contra di e Moronan cu ta dominando Spanja e Moronan cu ta dominando Spanja. Cu su grupo chiquito di guerrilleros e ta lanza diferente atakanan contra di e encmigonan. Pero no ta tur e nobleman di e territorio ta ei acuerdo cu su actiind y door di conspiracion di Reina Teresa, ruman muher di Rey di Navarre, alfin e ta word'e poni preso. E ta logra scapa for di prison y ta cuminsa atrobe combaten' e Moronan cual alfin e ta logra destrui. Con e

YABI pa bo exito

Avisa den ARUBAANSE COURANT y compara e resultado

TA BENDE
Baby-Comode (Mesa y Kashi)
Cama pa mucha
Stoel pa mucha
Wieg di viaha
Lamp
1 kashi di palo teak
Pa inf.: Acudi na Weststraat 26 entre 8-12 y 4-7 'or.

EVANGELINA'S BEAUTY SHOP
ta anuncia na su clientenan y pueblo di Aruba cu general cu for di dia 25 di november 1963, esta dialuna awor, e ta den
MIDDENWEG 20. — Tel. 2156. (Pariba di Tienda Cubenda)
Asina pa duna mas servicio.

PALAIS ORIENTAL
(dilanti Banco Hulandes na O'stad)
JOYAS PA CABALLEROS



Bunita regalo pa bo y bo sernan queri...
* Maucornia, feneta di dashi, lighter, manicure-set pa homber, cigarette-case etc.
Tambe pa damas nos tin un gran surtido di
JOYAS DI FANTASIA
y otro articulos pa regalos manera tas pa sali anochi etc.
Haci nos mi bishita y convence'bo!

at PRACTICAL PRICES
cu materialnan di construcion di calidad y na prijs atractiva, esey ta solamente na
PETRONA & CROES

USA GAS PA TUR COS
pidi bo tubonan na tempo
ARUBA GAS SUPPLY
TEL. 1898



GUINNESS ta bon pa bo !!
Pa fortaleza y energia percura pa bebe **GUINNESS TUR DIA!**
agente: **E.F. DEBROT INC.**
Nassaustr. 98 - Tel. 1040




DI E CAMPEONATO ESCOLAR
(Di nos Redactor Deportivo)

Despues di e siman sin actividadnan den e diferente campeonatonan escolar debi na e awacero cu a para tur actividadnan deportivo na nos isla, a word'e hunga cada dos parido di futbol di A-klase. Juliana school a derrota Abraham de Veer School uno pa cero, mientras cu diamars anochi A.T.S. den e ultimo minutunan di wega a logra triunfo di dos cero riba Augustinus College.

Incluyendo e dos partidonan aki, nos ta banja al momento e siguiente cifranan di e campeonato escolar A-klase:

SCHOOL	Wh	Wz	We	Wp	Pts
A. T. S.	3	2	1	0	5
Abt. de Veer	4	2	0	2	4
Juliana	1	1	0	1	2
La Salle	2	0	1	1	1
Augustinus Coll.	2	0	0	2	0

Agente pa productonan di **QUAKER**
DE VEER & SONS INC.
Tel. 1326-5261



OFICINA MARITIMA DE ARUBA
Tel.: 2664-1622
Formularios aduanes pa Importacion y exportacion di mercancias.

HET BESTUURSCOLLEGE VAN HET EILANDGEBIED ARUBA
maakt bekend dat op 17 december 1963 om 11.00 uur v.m.
OPENBARE AANBESTEDING
wordt gehouden op het kánton van het Hoofd van de Dienst Openbare Werken voor de:
Bauw van een Telefooncentrale te Sta. Cruz,
volgens bestek no. 14, dj. 1963 D.O.W.
Bestek en tekeningen zijn op voormeld kantoor verkrijgbaar tegen betaling van f. 15,—.
Restitutie f. 10,— uitsluitend op de dag van aanbesteding.

Lands Radio- en Telegraafdienst
Examens ter verkrijging van het Bewijs van Bevoegdheid als:
RADIO-AMATEUR
zullen worden gehouden:
te Curacao op 11 december 1963
te Aruba op 16 december 1963
Kandidaten dienen zich vóór 28 november 1963 schriftelijk op te geven bij ondergetekende.
De Directeur van de Lands Radio- en Telegraafdienst,
R.H.C. van Haaren, Ing.

SORPRESA NAN CU UN REGALO ELECTRICO PA DIA DI SINTERKLAAS...
... y non ta corda ariba „SINTERKLAAS” durante henter anja !!!




CISCO KID presenta pa cortesia di **ARUBA BOTTLING COMPANY** NESBITTS den varios sabor, y refresconan mas pidi y mas gusta na Aruba.

1. Oooh! Mira cuanto pashito preto! Uno, dos... ooh! Nan ta diezres.
2. Un hende tabata aki a yera nochi.



EPITA pa cortesia di: **Antillian Hardware Co**
E mehor adres pa VERF, KWASHI, TUR CLASE DI HERMENT, articulos sanitario.



DIANAN DI FIESTA TA ACERCANDO!
P'esei, ser sigur cu bo cas lo muestra bunita den dianan di Pascu. No lubida di verf bo cas cu pintura Latex di
SHERWIN WILLIAMS
ARUBA TRADING COMPANY
Weststraat 15 — Tel. 1930



GRACE
„SANTA PAULA” y „SANTA ROSA”, bapornan moderno di GRACE LINE, semanalmente ta trece turista y carga pa nos isla.
● Usa e servicio eficiente di GRACE LINE y baha via GRACE.
Agente:
EMAN TRADING CO. INC
Oficina tel: 1156-1554-5054-5055
Dock tel: 2135



E BISHITA DI REPRESENTANAN DI CLASC

ORANJESTAD, 21 nov. — Den nos edicion di algun siman pasa nos a informa cu e representante di Confederacion Latino Americana de Sindicatos Cristiano (CLASC) na Anillas, senyor R. Tehumia, durante un bishita na nos isla...

FERIA N.P.G. DIA 23 NA CADUSHI LARGO

ORANJESTAD, 21 nov. — E padvindsterman di Aruba cu ta asocia na Nederlandse Padvindster Gilde N.P.G., lo tene Diasabra dia 23 di November un feria na e school na Cadushi Largo.

„THE SUN” A NACE

SAN NICOLAS. — „The Sun” ta number di e semanario nobo na idioma Ingles, cu na prome lugar ta intencionado como un organo door di e Isla ribenionan pa e Isla ribenionan.

E semanario su tamajo ta: 21 x 14 cm. y ta consisti di diez pagina, pa presenta noticianan di Isla riba y noticianan internacional. E prome edicion ta habri cu un palabra dirigi na Isla ribenionan sigui pa un articulo „What's wrong with us, Windward Islanders?”

Campeñonan Ruso ta economisa riba cuminda di bestia

MOSCU, 21 nov. — E ministerio Sovietico di agricultura a insisti serca e campeñonan pa nan bai poco poco e invierno aki cu cuminda pa nan bestianan. Esaki ta wordo considera di gran importancia.

Cumpleanjos

Awe dia 21 di november ta bai un cordial pabien pa senyor Cecil Giel, felicitacion ta bin di su esposa Noreen, yunan Ludovico y Orlando y demas famia Giel y Figaroa.

Awe ta cumpli anja senyor Mario Danies, felicitacion ta bin especialmente di Dita Giel, yunan Mariusa y Mevelin Giel, rumannan Arturo y Daniel Danies, Chia Donat y Petra Jacobs, sobrina y subrinonan, tantanan, iharian, Juliana Maris, Yolanda Penso, Emma Giel, amigunan Selcio Albert, Chico Loefstop, Adolf Croes, Juan y Tito Tromp, Jossy Giel y Roddy Albert na Corsow, comer y compenjan y demas famia.

Awe dia 21 di november a cumpli anja Josef Kelly, felicitacion ta bin di su estimada esposa Sixta Kelly, yunan Sandra, Miriam, y Richard, mama y tata, rumannan, suegro y suegra, conxanan, swa, omo y tantanan, primo y primanan, sobrina y sobrinonan, 5 iharian y demas famia Kelly, Tromp, Farro, Perez y Ryna, y di e team di bala Jong Aruba.

CRISIS DEN GABINETE SURNAMENJO

PARAMARIBO, 21 nov. — Senyor Lachmon ayera malina a informa gobernador di Surnam di su rapport tocante resultado di su encargo como informador na e actual crisis den gabinete. Den su rapport el a participa, di no por a averigua, posibilidadnan di formacion di un zakenagabinet, pasombra oposidon no tabata dispuesto pa delibera cuné.

E informador ta mira como e unico posibilidad cooperacion di partido nacional di Surnam y e partido Hindustano uni. E ta spera cu lo no tin cambionan den partimientu di cartera, suponiendo cu e partido Hindustano uni lo conta ministerio di economia.

Pero tur cos ta depende di formador cu gobernador lo nombra, segun senyor Lachmon. El a participa A.N.P. ultimamente cu situacion financiero di Surnam ta masha serio y cu den termino cortico nan lo tuma medidanan, cu mester trece placa.

Senyor Lachmon a agrega, cu e base nobo di cooperacion entre e tres partidonan ta basa riba instalacion di un comision independiente, cu lo estudia tur peticionnan di bauxiet, tumando cuenta cu e rapport di E.E.G. E gobierno nobo, segun senyor Lachmon, lo mester kita e proyecto Ormet door di manda esaki pa e comision.

CAMBODJA KIER YUDANZA DI FRANCIA

PHOMPENH, 21 nov. — E hefe di estado di Cambodja, prins Norodom Sihaniké, a bisa den un entrevista cu un periodista di e agencia Frances di noticia „A.F.P.”, cu pa su pais, liberta di Merca, a yega e ora di Francia. E potencionan comunista a climina nan mes pasobra nan no kier nos como aliado. Ta resta Francia di general De Gaulle, cu no por wordo acusa pa ningun persona di ta habi un politica imperialista of di neo colonialista asina prins Sihanike a bisa.

AGENDA

DIABUEBS 21 NOVEMBER 1963
DE VEER 8:30 p.m.: „The man who knew too much” all
RIALTO 8 p.m.: „Undersea Girl” 18j
PRINCIPAL 8 p.m.: „Badmen's Territory” and „Tarzan and the Mermaids” all
AUIOHA 8 p.m.: „Corridors of Blood” 18j
SAVANETA 8 p.m.: „El hijo del hombre” 18j

BOTICANAN DI WARD

Oranjestad: Botica del Pueblo tel. 1253-2154
San Nicolas: Botica San Lucas tel. 5119

DOKIERNAN DI WARD

Oranjestad-Noord: Dr. J. R. Leo
San Nic.-Sta. Cruz-Sav: Dr. H.R. Dennert

LUCHTPOSTSLUITINGEN

Anguilla 8.30, Antigua 8.30, Argentina 15.30, Bolivia 15.30, Bonaire 11.00, Brazil 15.30, Br. Guyana — Canada 8.30, Chile 15.30, Colombia 15.30, Costa Rica 15.30, Cuba 15.30, Curacao (11.00-10.00), Ecuador 15.30, Guatemala 15.30, Haiti 8.30, Honduras 15.30, Jamaica 15.30, Martinique 8.30, Mexico 15.30, Montserrat 8.30, U.S.A.: Miami 15.30, New York 8.30, Nevís 16.00, Nicaragua 15.30, Panama 15.30, Paraguay 15.30, Peru 15.30, Puerto Rico 8.30, Rep. Dominicana 8.30, St. Kitts 16.00, St. Maarten 16.00, Suriname — Trinidad 8.30, Uruguay 15.30, Venezuela: Caracas 16.00, Maracaibo 16.00, Atencion: Ceramantu di cartanan registra ta un ora prome cu di post.

18.00 Estudio de Hector Monteverde
18.30 Perfecta ama de casa
18.00 Aventuras Popye y Yeyo
18.30 Mejias y sus muchachos
17.00 The Tao Too
17.30 Pelicula
17.55 Noticias
18.00 Pelicula
18.00 Teleestudio
18.30 Draznet
20.00 Observador
20.15 Noticias
21.00 Un matrimonio perfecto
23.30 Esta noche Billo
23.30 Noticias

RADIO VICTORIA

DIABUEBS 21 NOVEMBER 1963
A.M.
9.00 Apertura
9.05 Ultimas noticias
9.15 E Hijo del hombre
9.30 Gimnasia
10.00 World news
10.10 Tin Bible for you
10.15 Radio revival
10.45 Thoughts on home
11.00 Chapel of the air
11.15 Novela
11.30 Melodias di merdia
P.M.
12.00 Ultimas noticias
12.15 Musica sagrada
12.30 World news
12.45 Quilts
1.00 Radio concert hall
2.00 Reading room
2.15 Novela of hours
2.30 Quiet hour
2.45 Eustenjos musicales
3.15 Melodias del alma
3.30 Prosa y poesia
4.00 Musica di banda
4.15 Ultimas noticias
4.30 Cafe con musica
4.45 Noticias na Spanjo
5.00 Academia del aire
5.15 Pajarito y bida
5.30 Musica para la cena
6.00 Ultimas noticias
6.30 Intermedio musicales
6.45 Niderlands nieuws
7.00 Fun with music
7.15 Song in the night
7.30 Musical interlude
8.00 World news
8.15 Off the record
8.30 Back to the Bible
8.00 Musical gems
8.30 Song in the night
10.00 World news
10.05 Klasiieke muziek
11.00 Sign off.

RADIO ANTILIANA

DIABUEBS 21 NOVEMBER 1963
06.00 Apertura
06.10 News in English
06.30 Noticianan na Papiamentu
06.45 The 7.45 a.m. Bui trabao den compani di bo companjer constante Radio Antiliana
07.10 News in English
07.30 Noticianan na Papiamentu
07.45 Noticiero musical
08.30 Musica varia
09.15 Programa pa amanan di cas
11.15 Regalo musical
12.00 Melodias Antilanas
12.15 Noticianan na Papiamentu
12.25 Melodias Antilanas
12.45 Charla deportiva
01.00 North American music
02.00 Album di recuerdo
02.30 Boleros romanticos
03.00 Musica varia
03.30 Programa papiamentan den hospital
04.00 Programa „La Esperanza”
04.30 Noticias
05.00 Noticianan na Papiamentu
05.15 Calypsoarama
05.30 Calendario Antillano
05.45 Musica varia
06.00 Charla deportiva
06.15 Musica Norte Americana
06.30 News in English
06.45 Variedad musical
07.00 Felicitaciones y complacencias
07.30 Apostolado del aire
09.00 Musica Latina
09.15 Musica varia
09.30 Anforaznan
10.20 Resumen noticianan
10.30 Variacion musical
11.00 Melodias y Romance musical
12.00 Clausura.

RADIO KELKBOOM

DIABUEBS 21 NOVEMBER 1963
7.00 Opening
7.02 Bon dia cu siegria (Instrumental)
7.30 Musica varia
8.00 Seleccion musical cu discopan
8.30 Programa de Cecilia Martines
9.00 Noticianan social
9.15 Musica varia
9.30 Ritmos Latinos
10.00 Noticianan internacional
10.05 Noticias
10.30 Programa di N. Habbe Jr.
11.00 Noticianan internacional
11.05 Musica Norte Americana
11.15 Control Central
11.30 Musica varia
11.45 Noticianan internacional
12.20 Musica Norte Americana
12.45 Noticianan local
13.00 Musica varia
13.30 Mel ora cu boleros
13.00 Novela (repeticion)
13.30 Peticionan
13.00 Twist
13.15 Merengues
13.30 Calypso
13.45 La Macorisana & Internacional Supermarket
14.00 Musica cu sabor Arteca
14.30 Noticianan local
14.45 Coctail musical
15.00 Danzonan Cubanos
15.15 Musica varia
16.00 Noticianan deportivo
16.15 Musica varia
16.30 Musica para la cena
17.00 Noticianan internacional na Papiamentu
17.15 Musica Europeo
17.45 Musica Norte Americana
18.15 Novela (Vida Robada)
18.45 Musica varia
19.00 C.C.A.
10.00 Shutting.

Personanan di bon gusto ta prefera entre e mehoran E MEHOR!
REY DE COPAS
ARUBA DISTILLING COMPANY
Wilhelminastr. 47 — Tel. 1266

TELE-ARUBA
DIABUEBS 21 NOVEMBER 1963
05.30 Cartoons
06.00 Industry on Parade
06.30 Corliss Archer
06.45 Papiamentu Newscast Live & Filmnews
07.00 Sea Hunt
07.30 Sports News
07.45 Tombrone Territory
08.15 Honeymooners
08.45 English Newscast Live & Filmnews
09.00 Ben Casey
10.00 Sign off.

RADIO CARACAS TELEVISION
DIABUEBS 21 NOVEMBER 1963
8.45 Senderos de luz
8.50 Cafe con sorpresa
9.30 Jardin de Infancia
10.00 Ingles por T.V.
11.15 Programa de Cecilia Martines
11.30 Supermercado al aire
11.45 Novela
12.00 Show de Saume
12.15 Jefe de la 87
13.00 Noticias
13.05 Cont. Show de Saume
13.15 Se necesita una amiga
13.35 Novela
14.00 Punto y aparte
14.30 Yo se lo vendó

DICK TRACY

1. E luna, Venus, Paris, ningun di nan ta interesa B.O. mucho. Slingshot Mountain Virginia, esey si.
2. Mi a wordo cria na Ohio, un di ocho rumannan, pero mi a nace na Slingshot Mountain, Virginia.
3. Pero Gerlie cu Sparkle, kizas ta prefera pa bay India of Berlin of Hawaii.
4. No, laga nos tur bula pa Slingshot Mountain, Virginia.



RIP KIRBY JAN BODEGOM & CO (Aruba) N.V. TEL. 1284-1402

igente exclusivo di FRIESCHE VLAG lechi evap orado y lechi en palvo MAXWELL HOUSE KOFFIE



BUCHI ROBEZ presenta pa cortesia di REFRESQUERIA INGRID TEL. 1849



DESEO PA BO AMOR

Eugenio ta papia manera un buki. E mes no ta comprende nada, tampoco e corioce baronesa Kres, y e ta etala door di hopi palabra scordie e bergueza di su ignorancia.
—Nos lo bebe un hotier mas?
—Basta cu e no ta bai molestia bo Frank? Bo no ta mustra muchu bon awe? No ta stratija despues di un aventura asina? Y cerca riba bo enfermedad y e calor...
Eugenio ta prepara su pipa mientras cu Jacinta ta hurma un sigaria. Atrobe Eugenio ta seca e sodó di su frente. Y atrobe Jacinta ta waak e cu preocupacion.
—Nos lo corre bai cas, Frank, e ta bisa. Na cas no ta haci tanto calor.
Eugenio tin miedu pa regresa su cas. E no ta sigur ainda cu su plan lo tin exito. E ultimo resto di su moral ta resista contra esaki. E no tin derecho riba e muher aki cu ta di su ruman homber.
Nan a bebe binja y nan sentimientonan a jega na e punto cu ta tin preparacion pa un intimidad di matrimonio. Den Jacinta su wowo tin un brillo di esperanza, e seguridad di un esposa cu ta stima. E tin mag di desapunta Jacinta?
A pesar di su ventaha cu e tin awor e ta sinti Jacinta fuera di su alcance. Con esey por? E tin menos valor cu su ruman, e ta sinti su mes inferior? Esey no ta asina. Ta e respet cu e tin pa Jacinta. Cu un muher asina bo no ta hunga. Aki no ta tra'a mas di un inhumanidad, aki su intencion ta bira un pica.
E anochi ta continua. Den e palunan di e parque e luznan di color ta sende. Ta un anochi cu ta spierta desonnan prohibi. Di repente e ta bira nervioso.
—Bo kier hal corre poco ainda? e ta propone. Aki ta haci calor...
—Cu gusto Frank, si abo ta gusta esey. Kiko bo ta pensa di Starnberg? —Magnifico! e ta bisa. Laga nos bai!
Weerlicht ta sali for di cielo ora nan ta sali for di ciudad y ta coge e caminda pa e lago di Starnberg. Jacinta ta saur. E ta canta poco poco, un aria for di opera. Eugenio no ta comprende mucho cos di musica; menos ainda cu di arte. E ta un homber tecnico, contrario di su ruman homber Frank, cu tabata stima tur arte mas cu otro cos y pesey a casa cu un artista.
—Con bo ta sinti bo mes awor cu...

bo ta na cas atrobe? e ta puntra di repente.
—Mi mester custumbra poco poco atrobe, e ta contesta. E diferencia ta grandi. Mi ta poco brucha ainda.
—Esey mi por mira, e ta hari. Antes bo tabata diferente. Quizas bo ta hopi malu, Frank...
—Mi ta sinti malu tambe, Jacinta. —Majan mi lo jama nos amigu biewu, dokter Fabian. E mester examina bo bon...
—Ay no, Jacinta... Ta masha lief di bo... pero mi ta prefera pa no mira un dokter. Paga tino, aki poco dia mi ta mescos cu antes atrobe. Mientrastantu mi ta tuma hopi sosiego...
—Si bo ta kere cu bo lo bira bon di esey?
Nan ta corre casi binti minuut, e ora nan ta jega na e laguna. Ora nan ta drenta den un bar den vecindario, nan por tende e voz di e mal tempu cu ta aserando. Jacinta ta di bon beis. E binja a haci'e alegre. Y e ta desea mas.
Nan ta sinti den un skina comodo. Jacinta ta bebe cu smaak y ta waak Eugenio.
—Kiko bo ta pensa pa haci awor, Frank? e ta puntre.
—Mi no sa ainda, Jacinta. Mi a hanja algun oferta di industria. Bao di ringun condicion mi lo tuma parti den un expedicion. Esey ta stur.
—Bo a sinti mi falta hopi Frank? e ta cambia di repente di tema.
—Si, Jacinta, e ta bisa. Pero nunca Jacinta no ta satisfecho cu su contesta.
—Bo no a topa otro muhernan durante bo viahe?
—Si, tabata masha hopi mes... Y semper pa keda mi fiel?
—Si...
(E ta sigui)

60 (SESENTA) CLIENTE DI E GRAN SUPERMERCADONAN LA ESPERANZA A HANJA „BIAHA GRATIS PA COLOMBIA“ CABA. PA WORDE REGALA NA E CLIENTENAN DI LA ESPERANZA. TUR SIMAN CINCO PASASHI TA WORDE OBSEQUEA, TALVEZ AINDA TA KEDA 200 PASASHI IDA Y VUELTO E SIMAN AKI ABO TA NA TURNO!

NOMBER DI E ULTIMO CUATER GRUPONAN TA:

Table listing names and addresses of the last four groups: EDNA BALINGA, LULU ISMAEL, JUANA MARTES, CHARLES PAULA, FABIA NOGUERA, GENOVEVA KROZENDIJK, MARIA WEVER, MARGARITHA BEKKER, HELENA GOMEZ, MARCELINA HOEVERTSZ, MARIA ROOS, ROSALINDA TROMP, JOHANA KOOLMAN, PETRUS FRANKEN, DIEGO HOEKHOUDT, ROBERTINA GÁMARA, PEDRO RANNYS, CATHARINA WILLEMS, M.L. WEVER, ANN ELLIS.

SI SENJORES, E UNICO SUPERMERCADONAN CU TA REGALA SU CLIENTENAN ALGO DI BALOR, ALGO PA NAN PROBECHO, ESPECIALMENTE PA E FIESTANAN VENIDERO NOS TIN TUR LOKE BO MESTER NA GRAN CANTIDAD Y NATURALMENTE NA E PRIJNAN DI FAMILIA, E PRIJNAN CONOCI DI LA ESPERANZA.

IMPRESION DI E TORNEO DI PESCA NA BONAIRE

(Di nos propio correspondente R. Engelen na e torneo)

ORANJESTAD, 21 nov. — Number di Bonaire y di Antillas en general den e dianan cu a pasa y e siman cu lo bini endudablemente lo worde menta pa mucho mas hende cu nunca anteriormente. Esaki ta debi na e diferente aspectonan cu a tuma lugar na e „isla di flamingo“, Bonaire, caminda e di cinco torneo di pesca organisa pa e „Comite Antillano di Spearfishing & Trolling“ a tuma lugar. Tabatin representacion di prensa di e diferente paisnan cu a tuma parti, kendenan tur por a hanja un impresion di e torneo, estadia na Bonaire y e hospitalidad ayanan. Y e popularidad di mas grandi cu Antillas lo hanja, lo ta door di e victoria cu e equipo Mericano a hanja na Bonaire den e torneo aki. Mas ainda awor cu nunca number di Bonaire y Antillas en general lo worde tendi y lesa den resp., programanan di television y diarionan, magazines y semanarianan na Merca, cual seguramente lo stimula e popularidad di e islanan aki pa turismo.

Lumnan di padillanti Bonaire tabata prepara su mes pa ricibi e enorme cantidad di participacionan y bishitantenan cu lo a baha na e isla pa e promer lustrum di e torneo di pesca organisa pa e comite di Antillas en general cu esaki. Pa duna nos leccionnan un idea general di e aspectonan fuera di e torneo, cu tabatin algo di haci directamente cu esaki, nos lo duna un impresion cu nos a hanja for di e torneo en general y e opinionnan cu nos tabata privilegio di tende for di oficialnan, participacionan y bishitantenan na e torneo.

E promer impresion cu Bonaire a duna na e personanan cu a yega aya pa e torneo ta cu Bonaire tabata cla pa duna algun dianan inolvidable na e bishitantenan na e isla den e dianan di e torneo. Borchinan na aeropuerto, na haaf, na Hotel Bonaire tabata duna un bon bini na e promer lustrum di pesca, organisa na Antillas, cual e biaha aki tabata na e isla di flamingo. E comite local organizador di e torneo, cu presidente L. A. Abraham a prepara na duna e isla un toque extra di hospitalidad y bishitantenan. Banderanan ter... te na Hotel Bonaire a duna e impresion cu Bonaire ta di...

Hotel Bonaire

Hoel Bonaire cual tabata e centro di henter e torneo y a duna majoria di e bishitantenan rasonan agradabel. Indudablemente e hotel aki por worde conta den e categoria di un di e mihor nan na Antillas, caminda e servicio anexas cu e no ta profesional, di e excelente. E majoria di e trabahadornan den e hotel, manera e walterman etc. ta personal local. Tin diferente piscina temponan na e hotel, manera un swimming pool, e unico „midsize golf course“ di Antillas, posibilidad pa sailfishing, skindiving, waterski etc. Cu su propio pier y na...

algun meter for di laman e hotel ta duna un bista bonita tur rond ariba e paisahe Bonaireano. Un gran facilidad di e hotel ta tambe cu e no ta leuw for di Kralendijk, conecta cu un-excelente caminda for di aeropuerto, cual ta pasa door di e centro di e capital.

Organisacion

Cu Bonaire mester a cancela e torneo di pesca di anja pasa, te pa e anja aki, no a kita nada di e atraccion pa e isla di flamingo, al contrario: door cu awor e anja aki e hotel a bin cla, tabatin mas mihor acomodacion y centro di diversion pa e bishitantenan, caminda tambe e comite central di e „Comite di Pesca di Antillas“ a tuma su estadia. For di aki, durante e dianan di torneo, tur evento en conexion cu esaki a worde guia. E registracion di participacionan a tuma lugar na e hotel, e salida di e „spearfisherman“, salida di e trollerman, tambe e yegada y e piscamento y midimento di loke e participante na tres aden, e festividadnan y e entregamento di premionan. Durante e torneo nos a papia cu diferente participante y bishitantenan na e torneo y majoria di nan tabata encantada di e manera cu esaki a worde organisa y nan tabatin hopi elogio na e gran trabao di e comite organizador. Pa e trato cu nan a hanja y e manera cu e torneo a tuma lugar.

E accidente fatal

En conexion cu e hogamento di e participante di Venezuela na e torneo di pesca, esta senyor Guy Perez Cisneros, nos a tende diferente comentario pa parti di participacionan y pa parti di e oficialnan organizador. Tumando tur e comentarionan aki huntu nos ta di opinion cu mester bin un reglamento pa tal torneo cu ta prohibi pa un skindiver baha su so na awa sin por lo menos un companjero, como segun nos a worde informa pa experionan, e chens pa desgracia fatal cu skindiver ta sumamente grandi si bo ta tuma parti bo so. Si algo pasa cu bo bao di awa y bo no tin yudanza di un otro, e resultado por ta fatal, mientras si si bo tin un companjero, bo tin alavez yudanza den caso di emergencia. Pesci nos ta considera di suma importancia pa tal reglamento worde poni pa e participante. Despues di e desgracia na Bonaire e comite organizador a duna un comunicado den cual nan ta participa di ta cancela tur e festividadnan organisa pa e comite.

Tocante di e paso aki cu a worde tuma, tabatin diferente discusionnan. Hopi participante a duna como nan opinion cu e paso aki tabata mucho severo. En herdad segun nan, ta algo tristo cu tal accidente traie a tuma lugar, pero si door di tal accidente un torneo completo tin di worde torpeda, esaki a lo largo lo perde su atraccion. E participante no ta bini unicamente pa tuma parti na e piscamento, pero tambe pa tin un tempo agradabel, ballando y bebiendo. Den un conversacion cu nos tabatin cu e participante di Barbados, esta Pat Fletcher, D. Harold King y Eugene Tinker, senyor King, un sambujador di profesion a splica nos cu su equipo promer cu nan a tuma e decision final pa participa na e torneo aki, na cual nan a participa pa di promer biaha a bin di acuerdo cu otro, cu si un accidente fatal sosode cu un di nan, e otro nan cu keda lo dieldi pa nan mes si nan lo continua of no. Pero cu en todo caso nan tin di percura pa e torneo di pesca no hanja estorbo pa e motibu si tal accidente tuma lugar.

Segun senyor King a sigui bisa: „Easi sigur cu si mi hoga, of algo otro sosode cu mi, mi companjeronan lo no sigui cu e torneo, esey ta di comprende, pero nan tin di percura pa mi morto lo no ta un estorbo pa e participante di e otro paisnan“. Y e mes un opinion aki mas o menos nos a tende di algun otro oficialnan, di cual un di nan a solicita nos cu si e participante no tin e oportunidad di pasa nan tempo ballando y bebiendo nor resulta cu majoria ta bai sinta na bar of den barnan bebiendo unicamente, lo cual semper ta worde...



E team di spearfishing di Aruba cual e biaha aki a worde supera pa Estados Unidos, Guadeloupe y Martinique, ariba e potret aki ta ricibi algun premionan for di Gobernador di Antillas pa nan di cuater lugar.

haci mas, cu si bo tin oportunidad tambe di baha y e behebimento aki por tin resultadonan mas fatal. Nos ta spera cu e problemanan aki lo worde arregla na e debido manera pa e comite central cu otro anja lo tene e torneo na Aruba.

Un otro comentario cu a worde tendi hopi tambe na e torneo aki tabata en relacion cu e spearfisherman, kendenan manera ta di comprende tabata e grupo cu tabata domina e encuentronan aquatico di e torneo.

Diferente teamnan a duna di conocencia cu nan tabatin algun remarca ariba e manera cu e skindiving a tuma lugar. Entre otro a worde bisa cu e marcamento di e lugarnan di e diferente participante no a tuma lugar na un debida manera, door di cual tin participante tabata sali for di nan lugar di pesca sin cu e jurado a bisa algo di esaki of e medidanan a worde tuma pa esaki no tuma lugar. E punto di marcamento aki ta algo cu diferente di e participante a hanja un punto masha zwak di e hurado. Esta e punto di controlamento stricto door di e hurado pa percura pa tur e participante haci manera cu e reglamentonan ta bisa.

Cu esaki nos no kier bisa cu e participante cu a haci tal cos a haci conscientemente, pasobra por ta tambe cu door cu no tabatin marcamento apropiado di nan lugar di pesca nan mes no tabata sabi exactamente si nan tabata afor of den nan territorio.

Tabata deseabel si na e proximo torneo esaki worde arregla debidamente, como cu por resulta cu esaki no sosode, e teamnan cu a constata e punto debil aki di e hurado por trata di haci uso na nan beneficio pa esaki, lo cual lo no ta honesto na e otro teamnan participante. Tambe e yegamento na ora, segun a worde stipula pa e comite mester worde controla strictamente y medidanan tin di worde tuma segun reglamento. Nos no ta bisa esaki pa critica e hurado of e comite pero nos kier avisa cu tal debilidadnan por causa mal gusto di cierto participante y duna e comite di torneo di pesca na Antillas, un mal number.

Aruba di cuater

E resultado di e torneo di pesca ta conoci na majoria di nos leccionan y tambe ta conoci cu e team di Aruba e biaha aki no tabata tin di e tres promer nan den e categoria di spearfishing, perdiendo e lugar aki na e team di Martinique pa 10 punto. E pregunta ta di con e team aki a perde, un team respecta pa su resultadonan den torneonan anterior, nos no por contesta aki como cu durante di un entrevista cu e captain di e team di Aruba esta senyor Martinus Bislip, kende a worde nombra pa International Skindiving Association como e mihor skindiver di e organizacion aki na anja 1962, el a bisa nos cu e di dos dianan no por a hanja pesca. E territorio den cual nan a pesca di dos dia tabata uno cu masha poco pesca. Esaki a worde asegura na nos tambe pa e otro miembro di e team di Aru...

by esta Josef Munzenhofer y Epifanio Ras. Mientras cu e di promer dia nan tabata domina claramente e di tres lugar, nan a perde esaki e di dos dia pa motibu di un cantidad di punto masha abao compara cu e promer dia. E promer dia nan a hanja 1-035.80 y e di dos dia 389.80.

„Loke nos a worde informa di e teamnan cu a sali na promer lugar esta esun di Estados Unidos y de Guadeloupe ta cu e teamnan aki promer cu nan a participa na e torneo aki tabatin un tempo di training basta largo durante di cual nan a prepara nan mes pa teamwork masha excelente cu indudablemente a duna su resultado na e torneo. Especialmente e team di Merca cu tabata usa „stingun“ tabatin un teamwork masha formidable cu ya nos a splica den un otro edicion. Aki nos ta mira arobe con valioso e ta pa tene training en e ultimo momento.

Un preparamento adecuado di e team cu lo bai tuma parti indudablemente lo duna resultado. Y mas y mas team lo bolbe cada anja cu e proposito di bai cu e copa. Naturalmente majoria ta bai cu e intencion pa gana, pero tin esunnan cu ta bai tambe prepara pa gana. Y mas popularidad e torneonan aki hanja, mas fuerte e competencia lo bira. E biaha aki tabatin 14 team participante oficialmente pero probablemente otro anja na Aruba e cantidad lo bira mas grandi, y cu teamnan mas fuerte.



Diadomingo atardi a tuma lugar na Hotel Bonaire e entregamento di e premionan na e ganadornan di e torneoi di pesca, cual ultimamente a tuma lugar den e awanan di Bonaire. E entregamento di e premionan aki a worde efectua pa e gobernador di Antillas, Su Excelencia N. Debrót. Poco promer cu e entregamento di e premionan a tuma lugar nos a mira senyor M.S. Kuiperi, miembro di e comite di pesca di Aruba y hefe di oficina di Turismo na nos isla, preparando e premionan. Ariba e potret nos ta mira sr. Kuiperi areglando e premionan.

BO HOROSCOPO PERSONAL

ARIES 21 Maart — 20 April

Bo por spera algun esorbo riba bo caminda awe, especialmente den amor. No exita y muestra pasenshi.

TAURUS 21 April — 20 Mei

Trata oronan cu poco cuidao awe; bo por causa critico of perhudica bo prestigio. Anochi ta tresa mehor aspectonan.

GEMINI 21 Mei — 20 Juni

Busca un mehor entendimento si algu a bai malu den bo relacionnan cu un cierto persona. Haci e prome paso.

CANCER 21 Juni — 22 Juli

Awe ta facil pa bo comete errornan den bo calculacionnan y tambe cu personanan. No bai muchu pura pa dicide.

LEO 23 Juli — 22 Augustus

Bo ta gana mas si bo tene bo mes poco atras awe. Pone hopi atencion pa loke otronan ta haci of bisa.

VIRGO 23 Augustus — 22 September

No tuma e dificultadnan di otro oronabo, pasobra bo mes lo hanja hopi cos di haci. Anochi por tresa un solucion.

LIBRA 23 September — 22 October

No laga bo emocionnan domina bo, tene bo mes calmo y muestra pasenshi. Amigu y famianan por juda bo, si tin problema.

SCORPIO 23 Oktober — 22 November

Prepara bo mes riba un impasse, re-raso. Muestra pasenshi y warda liko ta bai pasa, mehor cu actuacion impulsivo.

SAGITARIUS 23 November — 21 December

Bo plannan por worde stroba door di desarollonan nobo y lo mester worde cambia. Haci esey di buena voluntad sino cos ta bai malu.

CAPRICORNUS 22 December — 19 Januari

Awor no ta tempo pa cuminsa cu algu nobo y menos pa confia otro. Deshaci di influencianan di un tercer den asuntunan di amor.

ACUARIUS 20 Januari — 18 Februari

Bo judanza lo worde aprecia masha y despues lo worde paga. Lasa oronan tuma iniciativa awe y abo warda ke u.

PISCES 18 Februari — 20 Maart

Muestra extra interes pa sernan stima y aprecio. Muestra bo banda bon y haci algu pa bo apariencia, esey lo juda bo.